



TERENGGANU DARUL IMAN
TAMBAHAN PERUNDANGAN
AKTA KERAJAAN TEMPATAN 1976
Tr. P.U. 9/96
UNDANG-UNDANG KECIL PERUNTUKAN MENGENAI LESEN BERSESAMA
(MAJLIS DAERAH DUNGUN) 1996

Tarikh penyiaran :

18 Julai 1996

Tarikh mula berkuatkuasa :

18 Julai 1996

SUSUNAN UNDANG-UNDANG KECIL

Mukadimah

- Undang-undang kecil 1. Nama dan mula pemakaian.
- Undang-undang kecil 2. Tafsiran.
- Undang-undang kecil 3. Lesen Bersesama
- Undang-undang kecil 4. Syarat-syarat lesen.
- Undang-undang kecil 5. Tempoh lesen.
- Undang-undang kecil 6. Lesen hendaklah dipamerkan.
- Undang-undang kecil 7. Salinan lesen.
- Undang-undang kecil 8. Borang permohonan, lesen dan lain-lain..

Mukadimah

Pada menjalankan kuasa-kuasa yang diberi oleh Seksyen-seksyen 73, 102 dan 102A Akta Kerajaan Tempatan 1976 [Akta 171], Majlis Daerah Dungun dengan ini membuat dan menurut Seksyen 103 Akta tersebut, Pihak Berkuasa Negeri mengesahkan undang-undang kecil berikut:

1. Nama dan mula pemakaian.

Undang-undang kecil ini bolehlah dinamakan **Undang-undang Kecil Peruntukan Mengenai Lesen Bersesama (Majlis Daerah Dungun) 1996** dan hendaklah dipakai hanya bagi kawasan Majlis Daerah Dungun sahaja.

2. Tafsiran

Undang-undang kecil ini, melainkan jika kandungan ayatnya menghendaki makna yang lain –

“Akta” ertinya Akta Kerajaan Tempatan 1976;

“lesen” termasuklah permit;

“lesen bersesama” ertinya lesen yang dikeluarkan bersesama dan termasuklah lesen yang dikeluarkan secara komposit;

“Majlis” ertinya Majlis Daerah Dungun;

“Setiausaha” ertinya Setiausaha Majlis Daerah Dungun;

“Yang Dipertua” ertinya Yang Dipertua Majlis Daerah Dungun dan termasuklah Timbalan Yang Dipertua.

3. Lesen Bersesama

(1) Mana-mana lesen yang diberikan di bawah mana-mana undang-undang kecil yang dikuatkuasakan oleh Majlis boleh dikeluarkan oleh Majlis bersesama dengan mana-mana lesen lain yang diberikan oleh mana-mana undang-undang kecil sedemikian.

(2) Lesen tersebut bolehlah dikeluarkan dalam bentuk yang ditetapkan oleh Majlis.

4. Syarat-syarat lesen

(1) Tiap-tiap lesen yang dikeluarkan adalah tertakluk kepada apa-apa syarat dan sekatan yang difikirkan patut dikenakan oleh Majlis dan boleh dibatalkan oleh Majlis pada bila-bila masa tanpa memberi apa-apa sebab.

(2) Pembatalan lesen tertentu yang dikeluarkan bersesama dengan mana-mana lesen lain di bawah Undang-undang kecil 3, tidak akan menyentuh keesahan mana-mana lesen lain yang telah dikeluarkan bersesama dengannya.

5. Tempoh Lesen

Sesuatu lesen adalah sah selama tempoh tidak lebih daripada tiga tahun.

6. Lesen hendaklah dipamerkan.

Pemegang lesen hendaklah mempamerkan lesennya itu pada setiap masa di tempat yang mudah dilihat di premis itu dan hendaklah mengemukakan lesen itu jika dikehendaki berbuat demikian oleh mana-mana pegawai Majlis yang diberi kuasa oleh Yang Dipertua secara bertulis.

7. Salinan lesen.

(1) Di dalam undang-undang kecil ini apa-apa sebutan mengenai perkataan lesen hendaklah termasuk juga salinannya yang diperakui sah.

(2) Perakuan mana-mana lesen sebagai satu salinan yang sah hendaklah dibuat oleh Yang Dipertua, Setiausaha atau mana-mana pegawai yang diberi kuasa oleh Majlis secara bertulis.

8. Borang permohonan, lesen dan lain-lain.

(1) Mana-mana permohonan suatu Lesen Bersesama hendaklah dibuat dalam suatu borang yang ditetapkan oleh Majlis.

(2) Mana-mana borang permohonan sedemikian hendaklah dikeluarkan oleh Majlis tertakluk kepada bayaran fee yang ditetapkan oleh Majlis.

Diperbuat oleh Majlis Daerah Dungun dalam mesyuaratnya pada 29 haribulan Mac, 1995.

[MDD. 027/28]

HAJI SHAFIE BIN DAUD
*Yang Dipertua,
Majlis Daerah Dungun.*

Disahkan oleh Pihak Berkuasa Negeri dalam Mesyuaratnya pada 14 haribulan Mei, 1996.

[SUK. TR. 1200/377/3; PUN. TR. (S) 85/3/20]

OSMAN BIN MUDA,
*Setiausaha,
Majlis Mesyuarat Kerajaan Negeri,
Terengganu.*